

# Winterzick

Musik & Text Björn Heuser / Verlag: HEUSERMUSIK, GMO Publishing

---

C D Em C Am G  
Winterzick, stille Zick,  
C D Em C Am G  
et Johr jeiht flöck, nix kütt zoröck.  
C D Em C Am G  
Winterdaach, stille Naach,  
C D Em C Am G  
han he un do - ahn dich je-daach.

Un wie't wohl wör, wörs do noch bei mir,  
et Levve es e Kaatehuus,  
et Hätz-Ass han ich ungerschätz,  
weil ich daach, dat do noch mieh sin muss.

Winterzick, stille Zick,  
et Johr jeiht flöck, nix kütt zoröck.

Manchmol sin do Momente,  
wo der Boddem unger dir einfach opjeiht,  
dann fällt do deaf un landest hatt,  
eetz dann weiß do, wo do wirklich steihs.

Winterdaach, stille Naach,  
han vill ze off - ahn dich jedaach.

Also streun ich einfach wigger,  
ming Finger friere kääler, als mi Hätz.  
Ming Schritte leis, ich han der Zidder,  
weil ich kapier, dat wor et jetz.

Winterzick, stille Zick,  
et Johr jeiht flöck, nix kütt zoröck.  
Winterdaach, stille Naach,  
han vill ze off - ahn dich jedaach.  
Winterzick, stille Zick,  
et Johr jeiht flöck, nix kütt zoröck.